


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 56 || No. 11

November 2020



Editor: Rev. Khamchinkhai

Synod Kumpuon:

Thukhenna dih leh dihtatna khu tui bang in luong hen (Amos 5:24)

Khristian Tangkou

Vol. No. 56 || Issue No. 11 || November, 2020

Editorial Board

Editor : Rev. Khamchinkhai - 8730933744
Joint Editor : Rev. Dr. Hangpi Maunlun - 9862910875
Cir. Manager : Upa Jamsianmung - 9862086615
Bus. Manager : Upa Kamgenpau - 8974612937

Ms. Niangkhanmang
Miss Tracy Niangsuannuam

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Thangboi Khuongsai - 8119957887
Rev. Khamminlian - 8414998542
Rev. P. Ginzalal - 8131814376
Upa Dr. M. Lachinkhai
Upa Jamgenthang
Upa M. Lianminthang

ZOU SYNOD ULIENTE

- **Moderator:**
Rev. Zamlianpau
- **Moderator Elect:**
Rev. Kapsuanthang
- **Secretary (Sr):**
Upa Kapkhanthang
- **Secretary (Jr):**
Upa M. Kamzadou
- **Treasurer:**
Upa M. Sianzahau
- **Statistician:**
Upa Shanti Kumar
- **Executive Secretaries:**
Rev. Khamchinkhai
Rev. Dr. Hangpi Maunlun

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom & Thumpi ding 02
- Hun nukhia lam a mihingte..... 03
- Mangpa deina toh deitelna dih..... 06
- Thukhenna dih leh dihtatna 09
- Pasion gam vaihawmna 12
- Doctrine (Naupang Baptisma) 18
- Lungdam thu genna 21
- ZPWF Column 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Guess Editorial

BIBLE GENTENA KAMMALTE

(Na thu khu keima hing chingkip Meivah ahi a, ka lampi a diing in khovah ahi”) (Late 119:105).

1). Thumapui. Bible gentena kammalte u tung in i sui ding uhi.

2). Bible thu gentenate:

2.i). Namsau: Hebrai 4:12-ah, “Pasian thu khu ahing a, sil abawlthei a, namsaau alangni a kitathiem sang in ahienzaw a, tahsa leh hagau kizopmatna gu-leh-taang kisuhtuona hawm chintuigu umna tanpha paillet in asattan hi. Tuachi in mihing deidaan leh ngaituona tanpha tung ah thu aneithehi hi” achi hi. Tamin, Bible khu sil bawltheitah leh mi lungsim leh ngaituona sulamdang thei ahidan atahlang hi.

2.ii). Sehpi: (Jer. 23:29, ah, “Ka thu khu Meikuong bang ahia, tuachieng in suong satnathei Sehpi toh kibang ahi” ach hi. Tami in sil abawltheidan leh adaltute azawthei dan a ensah hi.

2.iii). Chii setheilou: “Chii dihloou leh setheilou lah a pat hilou in Pasian thu hingzing leh chii setheilou a pat piengthasa nang hita uh” chi ahi (I Pet. 1:23). Asilbawltheidan leh asawtdaan alangsah hi.

2.iv). Hiim lang: “Pasian thu in mihing dinmun leh Pasian khantante, akikal thute chiengtah leh feltah in tahlang zing hi” (Jakob 1:23-24).

2.v). Meikuong: “Na hing thupieh ka sung ah Meikuong bang in asa” hi (Jer. 19:9). Pasian thu in sil abawltheidan etsahna ahi.

2.vi). Meivah: Late 119:105-ah, “Na thu khu keima hing chingkip Meivah ahi a, ka lampi a diing in khovah ahi” achi hi.

2.vii). Ann hoi leh dawn diing a hoi tui ahi: I Pet. 2:2; Heb. 5:12-14; I Kor. 3:2; Rom. 10:17-te ah imu uhi. Tualeh, damtheina diing, khanletna leh hatna diing a neh diing leh dawn diing tui zong ahi chite imu uhi.

.....

Thu tuomtuom leh Thumpi dingte



1. Pasion mapuina toh khovel buoina kawmkal ah District level Khawmpite zou in tu in Presbytery leh Synod Khawmpi vaiguon mang ding ihi ziehun Pasion kung ah lungdam thu tut in maban a Khawmpi Vaihawmna i neite uh lawching tah a i nei theina ding un thum chiet va ui.
2. Kum chin a i bawl bang un tu kum in zong Presbytery chin a Hattuom Upa ding a telching thate orientation kineipi in lawching tah a, zaw ahita hi. Amauten zong Pasion belamte gin-um tah a hing kem tou ding in thumpi chiet va ui. Amaute:
 - a) P. Nehzagin, D Phailian (MGP)
 - b) Haudeikap, Zomi Bethel (MGP)
 - c) M. Mangsuanthang, Hatching Sion (MGP)
 - d) Thangkhohau, Chingmang Khuo (MGP)
 - e) Thangsuanlun, Gangpimual (MEP)
 - f) Langsuanthang, Gangpimual (MEP)
 - g) Kapkhenlam, Talnuam (MEP)
3. Pasion mapuina toh Synod semtu hing na muolliem sante koppite (Family Pensioners) Pension halaw la kawm in Synod Office ah kimukhawm leh singpi dawnpina nei ahia, tuanah amaute zong thanuom tah a hing pei in Rev. Khamchinkhai, Sr. Executive Secretary in hamuon thu a genpi zou in Rev. Dr. Hamngpi Manlun in amaute a ding a thumsahna nei hi.

HUN NUKHIA LAM A MIHINGTE UM DING DAN (II Tim. 3:1-9).

- *Upa S. K. Khama*

1). Thumapui: AD 67- hun laivel a Paul in Timothi kunga lai ana thot hitananleh tulai eite khang a Hattuumte dinga kihilna leh kihantawhna hoitah ahia, mihingte um ding dan Pasion Hagau Siengthou theisahna ziehj/al a Paul in ana gen masahte ahi. (II Tim. 3:1-9) pansan in gen va-ui.

2). A umdan ding uh (1-5), hun nukhia lam a lamkai tahloute um dingdan leh tahsan louna lim a umdan ding kichientah a Paul in ana gente aban ban in en va-ui:

(2.i). Ama maimai kingaisangte, “Tam hun nukhia ah khun min Pasion leh asiemsa mihingte ngainatna sanga mihingte khu amau kithupisahna, alien pen a kingai, amau-le-amau kingai sang a, kithupi ngai in akiphatsawm ding uhi”.

(2.ii). Sum-le-pai ngainatna hun nukhia lam chienga sil dang teng sangin miten sum-le-pai angaina zaw ding uhi. Mihingte hinkhuo khu sum in hing thunun va un, tam sum muna ding ah koima silhoilou bawl khawh ang sah lou ding uhi. Sum-le-pai muna ding ahi phot leh aloi agualte manthaina ding leh asietna ding khawh ang sa sih ding uhi.

2.iii). Nop ham, mihing chia ama-le-ama kisuong a, midang khawsahna neilou a, ama maimai kingaisang a, a uttan agen dinga, midang zousie sanga sangzaw in akikoi ding uhi.

2.iv). Husie leh thagum zang, atunga mite zatatna malmal neilou a, kisie a kingaituo sanga, silsie bawlte akipahpi zawsop a, thagum suong a thuneinate suong mite ang um ding uhi.

2.v). Mite simmaw, mi thunuo i a um nuomlou, mi zousie simmaw a, vaihawmte thunuo i a um utlou leh um ngaploute ang hiding uhi.

2.vi). Nu thu, Pa thu manglou, naupang mengnou ahi akipat a nu-le-pa thumangloute khu amau letdan hinkhuo mangte khun anu-le-apa tung ah kiphahna mawngmawng anei sih ding uhi.

2.vii). Phatna ngaisahlou, Pasian phatna leh mihingte atung a silphabawl zong donlou silhoi bawl zong theilou ahoi zong ngaikhawhna neiloute ang hiding uhi.

2.viii). Lungsietna neilou, mihingte lungsietna leh khawtuona neiloute ang umding uhi.

2.ix). Kihou tuoh theilou, mi toh kihau hau mai ding dan a, silhoi deilou, mihingte toh kituoh dildiel a tenkhawm utlou ang um ding uhi.

2.x). Migensiet hat, midangte ahoina sang a asietna lam mai gen a suhminsetah a umte genna ahi.

2.xi). Kisumlou, tahsa a neh-le-dawn leh adulam, abawl utlam lam a bawlte ahi.

2.xii). Kiliensah, midangte musit a amau kingaisang a sangtah a kikoi namte.

2.xiii). Pasian ngaisah sanga tahsa nopsahna ngainatna, Pasian sang a tulai khawvel a mangthai ding silte ngaina zaw leh nopsahna ngainate.

2.xiv). Pasian ngaisah khem a, kibawlte, Pasian in ahinkhuo asiemphat ding sang a sum-le-pai, lamkai leh minphatna ding

sui, amau lah Pasian angung a kipat a kisiemphat ding donloute ahiding uhi..

3). A tawndan ding uh (6-7) atung a kigente banga umte khu umdan ding tampi gending um nanleh Paul in kichientah in agen hi. Eden huon ah setan in Evi asolpuo mabang in tam lamkai tahlou leh tahsan ding tam zong hilou te khun numeite uh mihingte asol ua, asolpuo gamta uhi. Lunglutna kichi mihingte nopsahna tahsa nopsahnate, eima deina lamlam a peinate Pasian lungkimna dinga eima lungkimna ding ngaituote genna ahi. Tambang miten pahtatnate angaisang ua, Pasian lunglam asui sih uhi. Pasian leh agam khantouna ding sang in ama innten louten leh akhankhuo ding mai angaisut zawta uhi. Tambang a hinkhuo mangte khun mite phattuumna ding sang in adaltu in apang zaw ta ua, mite kipalpuona alesuoh zaw uhi.

4). Akivonna ding uh (8-9), Paul in lamkai tahloute khu Jonnes leh Jambres toh a khaikhin hi. Amaute min khu i Bible ah akilang khasih ua, Khristian masate gen dan in pharo masanga chiemtena sil kidang abawllai ah khun amaute gel in mitphiel daw i a Mosi sil kidang bawlte

khu ana teldoh hi. Ama un Pasian nnasepnate khu adal zou tuom sih uhi. Pharo zong khu Pasian thahat amuphet in Israelte khu Egypt apat a pawt ding in aphalta hi.

5). Amaute hinna khu Paul in tambang in agen hi:-

5.1). Thutah doudal a pang ahi uhi. 5.2). A lungsim uh akisesa ahi uhi. 5.3). Tahsanna lam ah Pasian deilou mi ahi uhi.

6). Amaute leh tambang a umte tawpna ding Paul in tambang in anagen kia hi.

a). Gamla tahtah a masawn lou ding. b). A ngolna uh khu mi zousie kunga kigenlang ding ahi.

7). Natna hiileng, Bible in hun nukhia lam chiengin natna hii kaleengsah ding achi toh kitawn in:

7.1). 2001 in Anthrax natna a leng hi. 7.2). 2002 in West Nile 7.3). 2003 in SARS. 7.4). 2005 in Bird flu. 7.5). 2020 in Corona Virus, “Khawvel pumpi zelsuoh in alenga mi atul athen in buoina thupitah ang tung hi”.

7.2). Martin Luther in natna hii leeng toh kisai in tam bangin a gen hi.

7.2.i). Damlou khah ding leh shi khah ding zauna in Pasian kung a thum dinga ang phutna ahia, i hagau dinmun ding igelsiem uh

apويمaw a khatvei tei shi ding a Pasian laitan ihia, tam leitung khu khawmun det ahi sih hi. 7.2.ii). Natna hiileng pen melmapa Setan in ang inkim kotna vanzah ahia, nahpia pan ilah ua, etchetna te tawpsan a Ama (Pasian) kung izawt ding uh ahi. 7.2.iii). Natna te pen Setan in ang solna ahia, Pasian apat a iginna leh itna ze-etna ahi. 7.2.iv). Shi theina dinmun a ding Khristian te ihia, Pasian apat a hamuonna isui ding ahi.

7.3). Khawlvel a natna hiileng zieh a sil hingtung dingte:

7.3.i). Kingaituona tawm ding, koiman innkuonpi damlou zong toupi ngamlouna hun hing tung ding ahi. 7.3.ii). Innkot zousie kikhah hun hing tung ding ahi. 7.4.iii). Biehinn, kotte hing kikhah ding, Biehinn kai mipite kikhopkhawm ding zong hing kizada ding ahi. 7.4.iv). Ginna neiten hing neitawm ding, ginna khu hing dai deudeu ding ahi. 7.4 v). Pasian tahsang zoulou mihing tam ding ahi. 7.4.vi). Khantouna leh siemzilna zong hing kitasam ding ahi. 7.4.vii). Bible in agen mabang a, natna hiilengte khu nau (tanei) natna hing kipatna ang hiding a, atawpna hing hinailou lai ding chi Paul in ana gen khu ei gingtuten Pasian gam anaita chi itheisiemna ding uh ahi ziehin

bang chihlai pou in Pasian toh kituoh ding a kimansa a i um ding uh ahi (Amos 5:12).

8). Thuzawna: Unau ngai umtah tu in na hinkhuo mandan, Pasian angsung ah kienpha in, nang –le-kei khu hun nukhia a um ihita uhi. Pasian deiloute apat in na umdan leh i umdante enpha in Pasian kunga kisie a ikinuahei ding

uhi. Mi piengthate khu umdan hoiloute apat a kihepmang ding ahi. Thumkawm kawm in Bible sim inlen, Mangpa deilam bang e chi chien inlen, mihing pahtatna sangin na Mangpa pahtatna ding khu adel in del in, Ama’n suohhoi leh gin um, bawl hoi chia ang chi ding khu delzaw in. Mangpa’n simtute zousie guoljawlta hen.

MANGPA DEINA TOH DEITELNA DIH

Mr. Thangkhanlian
Missionary, Mangjing Mission Field

“Solna ah hing puilut sinlen, gilou lah ah hing hundam zaw in, Gamte silbawltheina leh loupinate kumtawn a nang a ahi ziehin” Amen (Mathiu 6:13).

1). Thumapui. Solna a puilut a umlouna ding leh gilou lah apat hundam ihitheina dingun eima thahatna ah bangma aum sih a, tuaziehin, ithumna bangun Mangpa kung ah Gamte, Silbawltheinate leh Loupinate ama kung a, aapkhiet ding leh ama deina bang isui leh ibawl uh poimaw ahiziehin athu amalmal in anei abangin kikumkhawm vai...

2). Gam: Khovel ah mun-le-muol ahilou leh gam kichi mihing ading leh koima pouma a dingin

silpoimaw mama ahi, azieh umna ding gamtatna dingin ganhing chintengin zong ama ama uh gamtatna ding gam poimaw ahi uhi. Tuamabang, in mihing eite zong i umna chiet uh ikhuo chiet uh ahiei ah igamtatna ding uh leh lungmuong tah a ium theina ding uh mun-le-muol ahilou leh khuo, gam ipoimaw chiet uh ahi.

Tuaziehin, ei gingtu Khristiante in imun ding igam ding pen leitung ngaina bangmai leh du-am na, a thangsietna leh kithupisahna toh Gam tel ding ihi

sih. Arahamin Lot kung ah, “Gam pumpi na masang a um hilou ahiei ma? Hepitah in keima apat in um tuom mai in, nang veilang a na pei leh kei zietlang ahisih leh nang zietlang a na pei leh kei veilang ah ka pei ding hi” achi hi (Genesis 13:9). Abraham in ama ngaituona leh ama theina toh gam ana tel sih a, tuasangin kingai ngiem tah leh kingiemkhiet tahin ama sang a dimun/hina ngiemzaw hinanleh ama’n a ut leh atel masah theina ding hun lemtang nei nanleh Pasian thei kawm in anaupa ahilou leh suopa chi ding e Lot kung ah “Hepitah in kei leh nang kikaal leh ka ganchingte leh na ganchingte kikaal ah kinielna um sih heh, unau ihi bou hi” achia, nang na deina langlang kitel masa’n len tuachiin nang peilouna/tellouna lang penpen ah kei ka pei ding ana chi hi. Tuachia gam ahing tel lai un Lot in mihing ngaituona/deitelna toh Jordan phaijang atel a, ama (Lot) tellouna Kanaan gam ah Abraham ateng a, ahi’n lah hun hing peitou zelin Jordan phaijang pen suhsiet leh gawt in aum a, hinanleh Abraham leh a innkuonpite Kanaan ah lungmuongtah leh bit tahin akhosa uhi. Tuami ahi Mangpa mudan leh mihing mudan kibah louna ahi’n amasang in ahoi bang

nanleh Jordan phaijang bangbang ma lou ahing suo hun um zel hi. Tuaziehin, eite’n Pasian imuongla kha paipai ua, ideitelna uh pen ahoilou lang ana hikha leng hi. Tuaziehin, gingtute’n igam ding ihina ding deitelna ibawl/inei chiengin Abraham silbawl entawn ding leh tuachi bangin bawl mawnglei ama imuonpa Pasian in hing teldih sah mama ding hi.

3). Silbawltheina: Pasian in asilbawltheina toh lei leh van leh asung a sil zousie asiem ahia, tuate tung a thunei ding leh silbawltheina nei dingin mihingte ahing siem hi. Tuachiin, Pasian in, ikibahpi eima mel bangbang in mihing siem vai in ama uh khu tui a ngate, tungleeng vate, gantate, leitung pumpi a ganhing, leitung a bohvah zousie tung ah thu neisah vai” achi hi. (Genesis 1:24). Tuaziehin, tam silbawltheina ahiziehin ama ahing pepa kunga ilat zing leh ama deina bang a izah kha ding uh poimaw mama hi. Tuachi lou in gamsung a thuneina ineite uh, silsiemte tung a thuneina ineite uh ahiei, silbawltheina tuomtuom ineite uh eima eima akibanglou ngen hinanleh Pasian in ahing pie sil tuomtuom apat in ibawltheina lang chiet ua, ahilou leh ithuneina

lang chiet uh eima apat hing kipan thuneina (Power) ana hilou leh Pasion hing pie thuneina ahidan thei kawm in leh ama dei banga zangkha ngei dingin lunggel neitheina poimaw mama hi. Tuachilou in pen silbawltheina zangkhiel/mangkhiel kihi zel hi.

4). Loupina: Khovel ah mi koi ahiei in gamte, silbawltheina (power) ahing nei a ahing zah chiengin in athupina; loupina ahing kilang ahi lou leh ahing sulang zel hi. Silsiem zousie tung a thuneina Pasion in ei mihingte tung a ahing pie dungzui in i thuneina a uh ei a ding a thupina/loupina hing tuntu ding ahiziehin bang chiin izang/imang uoi? chi ikiemphat zelzel ding un adiehin ei gingtute a dingin poimaw mama hi. Albert Einstein (1879-1955) in asil suikhiet/bawlkhiette “Theory of Relativity” apat in agam (Germany) thu neitute in mi toh kidouna ding Galvan asiemkhie leh galdouna azang dingin ana chiellai un ama’n “Khovel a hausatna ichi in mihingte khantouna ding a semkhe sih chi chiengtah in ka thei a, khovel in lemna leh kideisahna a um dan ding ahi apoimaw” ana chi ahi. Ama (Albert Einstein) apat asil suikhiet na apat galvan hoi pipi siemkhiet a khovel a ding a thupitah ahilou leh loupitah a mite

tung a galzawna neitheina lampi um nanleh ama’n tuate sangin khovel ading lemna, muonna, kideisahnuona ana tel zaw in, ama mimal thupina/loupina ding a na taan ngam mai hi. Tuachi bangin gingtu hinkhuo a dingin etton tah mama mai a, ama’n mite a ding a shitheina/hoilou galvan siemkhiet leh bawlkhieta a sum tampi mu leh hausat sangin khovel a dingin lemna leh muonna ahipou leh mihausa hina ding ana taan ngam hi. Hinanleh, tunitan in ama (Albert Einstein) thupina (Scientist) ahina chiemte na ah hichi bang mithupi ngaituona hoi nei ahidan mi tampite thei leh pahtat huoi leh thupizaw semsem ahidan ahing sulang hi. Ama bangbang (Scientist) tampi zong ana um sam nanleh tuni in hichi bang mi thupi ngaituona piching tah nei ahing sulang angaituona hoi dan ahing sulangzaw hi. Tuaziehin, mi koi ahiei in ama loupina ding/thupina ding a silbawl anei chiengin, Mangpa deina ahilou leh alungtuoh lang abawl poimaw ana hi gige hi.

5). Thuzawna: Tuaziehin Gamte, Silbawltheinate leh loupinate bangkim zousie eima apat hing kipan leh ideibang ua, zang thei ding ihiloudan uh Laiengthou apat ithei chieng semsem ua, tuate zousie khu nang a ahiziehin

ichi mabang un, ei a hilou ibieh
ipa Pasian a ahia, ama'n eite
apat asep/abawl utte ahing sep
leh ahing bawl zelzel ahi ziehin,
aneitu Pasian deina bangin igamte
uh i silbawltheinate uh leh loupina
ahilou leh thupina ichite zang hoi

thei chiet dingin leh athu i thei
khamkham a ikikup khawmte uh
ama deina lam a buching zawsem
a hing thei siemsah dingin Pasian
in simtu zousie hing guoljawl
chietta hen.

THUKHENNA DIH LEH DIHTATNA

(Amos 5:24; Pro. 12:3; 13:11;16:8).

- *Rev. Awnkhankhup*

Kanaa veng

1). Thupatna: Amos khu Juda gam sung a Tekoa khuo a teng, ganching leh thei huon bawl a nasem mi ahi. Ama hun lai in Juda gam ah Leeng Uzziel in vai ahawm a, tualet Israel gam ah Joash tapa Leeng Jeroboam II in vai ahawm hi. Juda gam a teng hinapi in, Pasian in Amos khu Israel gam a guolnei nasem dingin asawl hi. Tambang hun laitah khu Israel mite hausat hun leh sakhuo lam hi in khotang lam a zong hoi hun toh akisah laitah uh ahi. Agam uh a galmuong a, hinanleh mi hausa ten mi zawngte tuolden in athuneikhum ua, galmuonna dihtah agam uah a um thei sih hi. Tam bang hun leh dinmun a ding Israel mipite kung ah guolnei Amos in dihtatna thupi a hing tangkoui ta hi. Israel mipiten dihtah leh feltah a nna asep sih ua leh, sakhuo sil a akhawmpi te uh a Pasian biehnate uh a Ni man te uh leh atumging te uh Pasian pahtawina dingin bawl nan uleh zong, tuami ten umzie anei sih ding chi in Amos in hangsan tah in ana gen hi.

2). Thukhenna dih kingahna

Bible: Khovel a mihingte umna zousie ah kivaihawmna a poimaw a hindan a ngiem pen dan a ithei khutdawte nasan in zong kimukhawm zel in apan lah ding dan uh agenkhawm zel uh akichi hi. A mihing zattuom dungzui leh a mun leh a gam a tuom dungzui

in kivaihawmna atuom chiet a, ahoidan leh apoimaw dan zong akibang kim thei sih hi. Amabou kivaihawmna zousie Pasian thu toh akituo ding a poimaw masa pen ahi. I Laisiengthou hoitah a i et vengveng leh, abul a pat atawp tan ah Pasian vaihawmna kigelna laibu ahidan chiengtah

in imuthei hi. Tami khovel a idamsung a i um dingdan leh igamtat ding dan mai zong hilou in, Vangam a itun hun chieng a ikhosah dingdan tanpha a kigel diim diem hi. Tuaziehin, Bible a kinga vaihawmna peipi anei khu abit pen ahi chi igennuom dan uh ahi gige hi.

Mikhenkhat in Presbyterian te vaihawm uongbawl dan gen in, Jesu hing kum ding chieng in zong “Mangpa ana khawl tadi vawi, hing committee phot va ung” achi ding uh chi in ahing dem uhi. Hinanleh eite vaihawm uongbawl ikisah sang ma un i Bible in vaihawmna ana uong genzawtham lai hi. Pasian in amisiengthou leh a Hattuum te khu avaihawmpi ding in ahing dei a, ‘hing pei unlen ngaituo khawm tadi vai...’ (Isai 1:18) chi in ahing chiel hi. Tualeh, thukhen vaihawmna dih sui dingin zong ahing thuhil hi (Isai 1:17).

3). Thukhenna dih gam leh nam ah: Khovel mun tuomtuomte lah ah Bible a kinga gam vaihawmna nei khate khu gam khangtou pente ahi ua, thamlou in agam mipite zong agalmuong uhi. Tulai a gam buoi leh dinmun dengdel tah aum gamte khu i Bible leh a zilsahna zui nuomlou game ahideu tangpi uhi. Ni tum senglou gambang a na kigen Britain leh

tulai khovel a thuneina sang pen (Super power) tawi bang akigen USA te zong hun peisa a Pasian thu a akibulphunate uh a zuou san tamtah zieh un buoisiet lam manaw uh hidan in khovel in a thei hi. Tuazieh in, Amos hun lai a Israelte lah a siltung bangin, tuni hun in eite lah ah zong, azawng leh ahaute kikal ah mun awng lienpi khat aum a, tami i thupi uh tangkoupi tam a, zuisiem ikizel ding uh ahunta mama hi.

4). Thukhenna dih Hattuum ah: I Synod sung a Upa khat in tukum i thupi uh ‘Dihtatna’ chipen asang sengseng a, i batphah guollou thu ahi chi in ana gen hi. Hattuum mipite mai zong hilou a, Upa leh lamkaite tanpha in i batphah lou leh i tup guollou ding khop a ngaituona inei dante in lungsim a hing sukha mama hi. Thu a vaihawmna hi in, gam nna isep dante ah zong thu dihtatna bangza tah in igam lat nalai uoi ki enpha tha kia in, mihing hina lam a izaw guollou sil pen inei Jesu ziehin bailam tah in ineithe chi manghil sih va ui. I mawpuohnate isepkhiehna ah leh Pasian gam sumte kem a izah nate ah, tuolsung apat Synod tan a isepnate ah kivelphat a hun mama ta hi.

Mimal chin ten Pasian guoljawl na i don bangzel in

i Pasion kung a ipieh ding lawmte pie in, Hattuum lamkai ten zong silpieh kilahkhawmte dihtat tah a kem in zang hita lei, ipawlp i tambang dinmun a ding khopkhop lou in, tusang in Manggam nasepna ah ma kisawn zaw tham tham ding in agintat huoi hi. Kipan tha in dihtatna lampi zui sawm hamham va ui.

5). Thukhenna dih innkuon sung ah: I Khristian innkuon chinte ua ikizilsahna tuomtuomte uh innkuon Pasion biekhawmna, Sawm-a-khat leh Anntangham hoitah a pieh chite ban ah, i innkuon chiette un i na peipi tangpi i nehsuina leh imunate, i innten dan leh i innkuon iki etkol tou zeld an te Bible toh a kituoh ngeingei ding a poimaw hi. I ta neuto toh lampi izawhkhawm chiengun, lampi kung a munop leh khoirop umte ziehin lampiel kha thei zel ua, hinanleh apuitu nu leh pa ten tua lampi i zuipen hoitah a ina zui khinkhien chieng un, itate zong hing kinuale kia zel in, i zui lampi ah i zawkhawm thei zel uhi. Tuamabang in, i innkuon peizie tangpi ah Pasion giinna hinkhuo neikawm in i khosa touzel pou lei ita leh nau ten zong hing zil thei zel na ding uh ahi.

Sumdawng, Sorkal nasem, Politician khat nasem

ahilou leh Hattuum pawlp i a sepna nei zong ihi maithei ua, abang abang hitaleh Pasion thu bang zel in i innkuon khosa i peisah zel nai chi iki vel tha zel ding uhi. Siempu Eli in Pasion nasepna dimun sangtah aseping lai in, a innkuonpite Pasion giinna leh dihtatna lam anapui khahlou ziehin, a innsung ah sildeihuoilou leh sil chizathuoitah ana tung ta hi. Abraham in a hileh, agam teldan ah te, a sahkho mi hina akepbet zoudan ah te, atapa Isak ziding a suisah dan ah te leh a innkuon a puihuoi dan bang kim ah Pasion thu khu a laizang ah akoi zing chi i muthei hi. Tua khu ahi vaihawmna dih ichipen uh .

6). Thuzawna: Thupilte 13:11na ah, “Lepchie tah a hausatnate a kiem pai ding a, hinanleh sepgimna thaman kholkhawm mi khu apung deudeu ding hi” chi thu imu hi. Tunai mama a Whatsapp a hing kisuo lungkhai mama khat tambang ahi. Tangkhul Naga tangval khat in IPS training zou a halaw (Pay) masa pen la manlou in helpawl (U.G) ten ana kaplumta uhi. Ashini in apienna pa in tambang in thu ana gen akichi hi “Ka tapa in IAS ahingzaw ding kinem in, No.4 bussiness kana bawl a, IAS dia a mark a chin zoulou ziehin IPS pieh in ahing um hi. IAS/IPS

Officer khat ahing hithei ding tupna zieh a mihing hinkhuo tamtah kana suhsiet nua a IPS Officer khat kana suosah ziehin, tu in a halaw masapen zong lamanlou in Pasian in ahinna ahing lahsah ta hi in hasetah in akisia thu agen akichi hi.

Tambang ahiman in, thukhenna dih khu igam, i Hattuum leh i innsung chiet ah luipi bang in luong hen len, dihtatna zong luipi kang ngailou bang in luongta hen chi i lunggul leh i deipen ahi zing hi.

**PASIAN GAM VAWIHAWMNA DIH TUIPI HATTAH
BANG A A LUON THEINA DING A VAIHAWMTUTE
MAWPUOHNA LEH UM DING DANTE**

-Rev. Dr. Hangpi Manlun.

i). Thupatna. Awle, Pasian mapuina toh hun hamsa leh buoina kal ah tukum i Synod thu pi uh “Vaihawmna dih tuipi hattah bangin luong hen” chi gelthei ding a hun hoi hing pie i bieh Pasian kung ah kipah thu i gen masa uhi. Tamnah khawvel/leitung vaihawmna lam i gen sih ding ua, Pasian gam vaihawmna ding leh a vaihaawmte mawpuohna leh umding dante i gen deu ding uhi.

Ei Presbyterian hattuumte khu committee a kienkawlpawlp ihi uhi. Miten ang demna uh ahileh, “Mangpa Jesu hingpeita leh zong, na khawngai in hing committee phot va ung” na chi ding chi’n ang dem uhi. Tuabanah, eite kietkawlna ah khun koima mimal in letna-le-thuneina aneituom dieh sih a, Khawmpi/Session leh Committee khu thuneina sangpen neitu ahiban ah, khawmpi-le-khawmpi kikal ah, Standing/Executive Comittee khu a enkawlto leh thunei neitu ahimai uhi. Ahin, alang khat lam ah

Committee leh Session ineitam u’toh kitawnin, vaihawm bang isiemthei sih ua, hil-le-zilsah ingai zing uhi.

2). Tuin, Committee leh Session vaihawm chieng a hamkam zah ding dan leh um dingdante ikikum ding uhi.

2.i). Thu khat poupou i kikup/genkhawm chieng un lungsim tahtah leh ngaisutna seng zenin kikum va-ui. Awleh, committee leh meeting khat poupou a i panchieng un, amasapen in mite mitmei vengging kawmin

ium sawm ding uhi. Tualeh, Agenda khat ang kigen chieng in dingpai pelpol louin, athukhu ngaitua masa detdetin ium ding ua, idin sawm leh zong puitu khu Moderator, Chairman/Chairperson, Leader chite ahileh hoitahin Pu/Pi chiin ihan masa ding uhi. Tua chiengin, agenda-ma thupi ngaisut a, agenda puolam leh utut teng moh gen thanglou ding ahi. Thamlouin, agenda khat agen/ding tam pen a panlou hamsawm a, en igenlou leh kikhelthei ding ahisihnahpou leh migen sasa jong vagen khellou zong angai sih hi.

Tuaban ah, thu saupipi gen leh i agenda loupi sotgen leh utut in igen jel jul sih ding uhi. Tualeh, chiemmui bawl chite, thu khat poupou neu ngaitua chite, mite taihil leh thupi simlou chite nei sih va-ui. Tuabanah, kithupisahna kamtengte leh atheipen bang in thu gen lou in, ki-ngiem khiehtah a gen zawh ding ahi. Thu pen ahun-le-amun zil in athupi hi. I thu toh kisai hoi isahna, hoi lou isahlounate, i muna, itheina, ideina, ideilouna, ithukimna thukimlounate ilawm iguolte theitheih ding a kam dam toh igen ding uhi. Tualeh, aw sang jah, lungthah akitom, nuahtai chite zong ibawl sih ding uhi.

Tualeh, thu kikap laitah a hamlou a, ngaidan jong genlou a, topchieng a keipen in ithupuosah uh hoisa sing, thukim vot sing, kei hoisahna tambang hi chin nua gengen sih va-ui. I gen nuomte khu agen hun agen ding ahi. Thu kikap chieng a, lungsim thepnei, lungsim koi leh naupang bang a helna lungsim ineite paikhia in, hoi isahnate gawmkhawm in, kikum lei tahsa-le-hagau ah, imasawn un i khangtou ding uhi. Tualeh, committee leh meeting sung a na ihmud mai, na kidaphou leh topkal naupang bang a ngahla chite jong iching sih ding uhi.

2.ii). I thupuosah leh Committee thute khu innsung leh hotel dung pou ah igen jeng jung sih ding uhi. Committee khat poupou a apangthei ihileh ‘thuguh kemthei/siem’ mi ihiding uhi. A diehin, sahkhua/hattuum lamkaite khu ipilvang mama ding uhi. Committee topnailou a, ithupuosah leh thu kikapnate u’khu hotel dung vel leh mun gamlapipi a umten ana theimai chite bang atamta a, topchieng tanpha a miten kung a gen thang mailou ding ahi. Eitepen, Pasian thuguh enkawl-le-kemtute ihijieh un thuguh u’khu ikepsiem mama ding uhi.

2.iii). Thu khat poupou

atamzaw hoisahna leh thu kimna toh khien sat va-ui.

Tahsavai, imi-nam vai, i pawl sung vai, igam ileitung vai hita leh zong thu ikikup chieng un, eima deidan tang tun sah teitei sawmnate, eima ngaidan beh thupisah luotnate, minthan utnate, ang sung khuolnate, topsan in atam jaw deinate jui sawm in vai ihawm ding uhi. Tuabang, ihi thei lou ziehun tahsa-le-hagau a ikivaihawmnate ah imasawn un ikhangthei sih uhi. Vaihawmna khat pou pou atamzaw deina toh kalsuon in vaihawm lei kikhangtou teitei ding hi. Tualeh, lamkai khat ihizieh a mani deidan leh ngaidan sum kuong chieng kei mailouin, atamzaw deidan zui thei ding a ium ding uh ahi.

Tuaban ah, Pawlpi khat vaihawmnate khu mimal minphatna dingte, mite kung a maipha suina leh ei mimal nnasep leh silbawl bang in ila in ingaisih ding uhi. Thamloun, itungtang thu akigen leh agentupa/nu khu galbawl leh ngaw mailouin committee lemsah ahi chi'n ingaitua ding uhi. Nidanglaiin, Pastor khat a hattuumte un singtang lam gamla deu mai khat ah a suon (transfer)-ua, atate lungthahin koi e agentu chia vua ding bangphiel a asawm laiun, Pastorpan, "Committee-

te gen leh lemsah ahi chi'n" atate ahi hi a kichi hi. Eite pen Committee thupuosah hijong leh mimal khat tung a lungthah leh ngawnate ineite uh itop san uh ahunta hi. Tualeh, lamkaiten jong vaihawmna thu kigente khu midangte maipha suina neisawm mai a, keima hing guot leh gensah chite a ipawlpi min a nna kisemte khu mani mimal in credit ilahsawmnate topsan va-ui. Thupina khu Pasian leh pawlpi ipezing ding uhi.

2.iv). Khat-le-khatte kithupi simna leh kizatat tuona toh vaihawm va-ui.

Committee leh Meeting khat a itouchineg un, a lien/aneu kium tuom lou in ihina (right)-kibang chiet ihilam uh imanghil sih ding uhi. Tuabanah, vaihawmna khat a ipanchieng un ibawn un kibang ihilam manghillouin ikizatat tua ding uhi. Thamlouin, ilawm iguolte thugen khu hoitahin ingaisah ding uhi. Tualeh, ilawmte leh ei ngaidan akibahsihtah leh jong thakhat thu a kipongsel mailouin, etsahna dingin, tambangin kam nemin, "Amanu/pa/member zatathuoi in hichin gen jong leh amangai dan hoilou china hipongsan lou in, kei ngaidan in hichi zaw leh chilei" miten zathada lou ding uhi. Ahin, musitna kamteng leh nuaisiana kamtengte khu miten a jada un

thuohtheilou uhi. Tuaziehin, hamzah dan pilvang in iguolte jahnop ding kamengte jang lei pichin huai mama ding hi.

v). Kithumanna thupi ngai sut va-ui. ulai khawvel pen mizousie khu apil pen leh thei pen bangin ikingaita ua, tahsale-hagau lam lamkaite thuman na hinkhuo itasamta mama uhi. Mi pawl khatte in hausa upa, shiate (teacher)-te leh makaite thumanna pen miphahlouna, guol lelina, fellouna, kisimmawna, mi nuoi aumna, neuna pou isakha leng uhi. Tuabang a lamkai vaihawmte thu manglou a niel gopgopnate, tai/housiet gopgopnate pen, hangsanna, pilna, thutheina, guol tungtuonna dan khatin zong ingaita mawh uhi. Nu-le-pa thu, hausa upa thu, shiate/vaihawmte thu manglou leh zuilou ihi man un, ipilding za, siem ding za, ituohphat ding/ikamphat ding za uh imuthei sih uhi. Tuaziehin, i vaihawmna khat poupou ah khatle-khatte kithupi sim in, kithuman lei tahsale-hagau ah i gam zong hing khangtou in nuom mama ding hi. Gam khangtou leh minam khangtoute khun alamkaite uh thu uh amangun akituoh ua, tuachin

Nam thupi ahitangpi uhi.

vi). Committee/Meeting khatpoupou ah ilawm iguol toh ingaidan akibah sihtah leh jong kimuda mai sih va-ui. I gensa bang un Committee/Meeting masang a campaing mabawl a mite thugen ding dante mahil/gen leh tup-le-ngim neisa i umlou ding uh ahi. Tuabanah, vaihawmna khat poupou a ipanchieng ua, ilawm iguolte toh ingaidan akibah sih leh jong kipong muda mai louin ingaidan uh kituohlou ahigiep a, ei mimal a kimuda chite iching sih ding uhi. A thu ikihausah/nielsah ding ua, eima mimal vang ikihuot leh ikihau koilou hamsawm ding a hi. Tambang, a iumthei chieng un mipi ching ihitheipan giep ding uhi. Tualeh, akhente khun imuda leh kituohpi lou khat in bangchi bang in thuhoi/lahoi gen u'leh jong selkhieh sawm teitei chite jong naupan vai leh pichinlouna chi khat ahi kia hi. Tuaziehin, mimal tah a ikumudana leh kitheisiemlouna umkhate khu pawlpi leh committee na mun vel a phuba kilahna ineilou ding uh ahi.

vii). Committee/Meeting na mun/hun ah khat-le-khatte kimai etna, be-le-phung/u-le-nau, tu-le-ta vai leh lawm-le-guol chite toh vai ihawmlou ding uh ahi. Committee leh Meeting a ipanchieng un lamkaite mai etna, be-le-phung vai leh tu-le-ta vai en a vaihawm lou ding ahi. Tulai, a dahuai mama khat ahileh thudihlou theina zenpi a, ahuntah a gen ngamlou chite khu duhdahlouna chi khat ahi. Hattuum/pawlp i khat in sihle-tang a ang guot/sawl chieng un zong ihattuum dan-le-dun leh hinate igup tinten mai ding uh ahi. Koi e khat mai et leh amitmawna uh gen ngamlou ding khop a mikhat sakhou (pocket)-a i saltanlou ding uh ahi. Pasion deina bang e chi ngaitua kawm a adihlou hi a, itheite pen hangsan tah in igen ngam ding uhi. Tambang a Upa lamkaite iding ngamlouna un hattuum vaihawmnate jong khawvel (politics)-vaihawmnate sang in anieh johna leh gen-le-sah ding tampi ang umthei leng hi.

viii). Committee (Meeting) puitute umding dan.

Kumtop khawmpi e, ahisih leh Committee khat pou a chair nalah leh memberte thugen leh ngaidan hoitah a ngaikhie a, atamjaw deidan hiding a igintatpen a thutanna bawl ding ahi. Tualeh, kiliensahtah mai mi thugen

ngaikhiehsahlou leh thusimlou, ngaisahlou chite ibawl hetlou ding un ahoi mama hi. Ei a lamkaipen ihivang a, agen tampen leh mani thu tunsah teitei chite bawl keilou ding ahi.

Tualeh, Committee na a laigeltu (Secretary)-ihileh zong miten agen masang u'leh Moderator/Chairman in agenda a move masang a nagel mailou ding ahi. Hoitah a na-ngai khinkhien a Chairman/Moderator in thupuona ang bawl chieng a gelpa ding ahi. Mi khen khatte khu min a genda a genkhit masang leh Chairman/Moderator in thupuosahna a bawl masangin ana genkhin mai uhi. Tambang khu felna leh taimatna duhdah lou leh lamkaite simmawna chi khat ahi. Banah, Secretary ihitah leh zong agen tam pen a pansawmlou ding ahi. Secretary-te pen atangpi in a geltu ding ihibou uhi.

ix) Vaihawmna mun ah ihagau mitna uh i suhlat jing ding uh ahi.

Tulai mipawl khatte kihagau misahin, khen khatte khun hattuum vaihawmna ngel zong tahsa sil in angai un panlou ding chibangin ngaidan anei uhi. Tuabang mite khun mite vaihawmna bang anua soisel leh adem thei uhi. Tuanah sang a ahitheitan a pan a ahoilou laite

siemphat sawm a hagau mitah a jong vaihawmthei ahi. Hattuum leh Organization tuomtuomte ah vaihawmna (Administration)-ahoilou chiengin tua hattuum/pawlpi khu ahatding leh khan ding bang tah in ahatthei sih hi. Tuaziehin, vaihawmna khu Pasian thu leh hagau thu ahichi thei kawm a, lungluttah a pan khu pawlpi chidamna khat ahi. Tualeh, i thei ding ua hoi khat ahileh, i local/hattuum sung uah revival, crusade, seminar leh adangdangte bawlin lawching nan lei zong, anua a i kietkawlnate uh ahoi sih leh koi khan nahsang in kikhenna leh buoinate aletunthei zosop hi.

x). Pasian gam vaihawmna a bawllou ding a ahoite.

Pasian gam vaihawmna leh tahsa lam (social organization)-vaihawmnate kibahlouna theichet ding ahi. Tulaiin, Pasian gam vaihawmna mun khenkhatte khu tahsalam vaihawmnte sangin in anin in kidah huoizawhna chieng a umthei hi. Adiehin, lamkai ding kitel hun chiengin, let ut/lalutna ziehin, groupism bawl chite leh lang nei sih nei a thu gen koikoi a mite suhtuo lou ding ahi. Tualeh, hattuum sung a hamphatna umthei ding silzousie vawmpi satan a tanzing sawm leh huoiham/mani ang masielnate in Pasian gam vaihawmna khu tahsa vaihawmna

a suohsah leng hi. Tuabanah, committee masang a campaign ma bawl leh miten ang gupna ding ua satan hoi pie ding a mite zawlmai (campaign)-chite zong a hattuum vai sih hi. Pasian gam vaihawmna a thuneina zahkhelna leh corruption huoisie vot khat ahi. I tungua vaihawmtute hawm dandan pomthei khu hagau mitna leh pichinna kalbi poimaw tah ahi.

xi). Thukhum sin:

Tualeh, igensa bangun ithupuosahte uh ei deidan leh ngaidan toh a kituoh khah sih tah leh zong, atamzaw deina bang a, vai ihawm nua ua i lemsahpina uh khut itun nua-un hoi in hoi sih leh jong ithupuosah mama khu igup tinten mai ding uh ahi. Tamkhu, pichin vai leh lamkai chitna khat ahi. Eima thupuosah sah khu nua deinawnlou a complain bawl mai khu silchin ding in ahoisih hi. I Khut tunna leh suoikainate khu igup tinten ding uh ahi. Tuaban ah, ithupuosahte u'khu ahithe ham leh top masanga secretary in a sim suohsah a, adihlou umte khu siemphat jeljel ding ahi. Kimuong jieh leh kin zieh pou a ithupuosahte uh simlou mai khu ahoipen sih ding a, zong pichin vai ahisih ding hi. Mangpan simtu zousiete hing mapui jingta hen! Amen.

BANG ZIEH A EI PESBYTERIAN HATTUOM TEN NAUPANG BAPTISMA I TANSAH UH E?

Rev. Dr. Hangpi Manlun

1). Thumapui: Awle, simtu deitahte, tamna i thupi uh khu tulai i gam uah Crusade leh Revival chite a midangte adiehin unau Fundamental leh Baptist lamten naupang baptisma dih lou chin ang gen pi chieng un, a zieh dihtah thei louin i buoithei jeljel uhi. Tuaziehin, i pomna ziente uh i tahlang ding uhi.

2). Naupang Baptistma tansah khu Judate bawldan zong ahi: Isakhhuo biehdan u'leh zuidante u'khu atangpi in masanglai, Juda sakhhuo zui tute chindante ahitangpi uhi. Tam baptisma tungtang ah zong malai a Judate chindan leh bawldante zong zui thei tan in i zui uhi. Thuhun Lui ah, Abraham hun a pat in nausente khu thuhun a ajau/teltheina ding un 'Teep' atansah uhi. Thuhun Tha Hattuum in 'Teep' tangsahlou in Baptisma atangsah zaw uhi. Ahivang in, Hattuum hing lien deudeu in innkuon a Baptisma tang ang um zelzel uhi.

3). Nausen/Naungeh Baptisma thu: Naupang baptisma tangsah hattuum liente ahi uh leh, Roman Catholic, Orthodox, Protestant Hattuum a pawllien khenkhat-Anglican, Presbyterian, Lutheran, Methodist leh pawldang khengkhatte in nausen/naungeh

baptisma apom un atangsah uhi. Nausen, Baptisma tansah tungtaang ah ngaidan tamtah umnanleh ajiehte igen diing uhi.

4). Thuhun Tha ah innkuon a Baptisma tang thum aum ua, Tuate khu: Innkuon a Juda sakhuo a lutthate in zong a innkuon un Baptisma atang uhi. Tami bawldan zui in Hattuum masaten zong, innkuon a Khristian a lut ut aum leh a innkuon un Baptisma ana tangsah uhi. Tualeh, i Bible uah innkuon a baptisma na tangte i gen ding uhi. Amaute:

(i). Ludi leh a innkuonte (Nasepte 16:14-15), ah imu ua, (ii). Phillippi Suongkul ngahpa leh a innkuonpi (Nasepte 16:33)-te leh (iii), Stephen leh a innkuonpiten, (I Kor.1:16)-ah, baptisma anatan thu uh imu uhi. Tamna, igen innkuon thumte baptisma tangte lah uah naupangte zong a pan/tel ngei ding ua gintat ahi uhi. Khristian innkuon hing pung

in innkuon a Baptisma tan khu Hattuum masate bawldan ang hita hi.

Tuabanah, Penticost ni a Peter thugen a piengtha mi sangthum (3000)-ten, baptistma a tanlai un zong naupang bangza e khat pangngei ding a gintat ahi uhi. Tuate zong baptisma a tansah laiun khatkhat a tui ban phumlouin a thethaw pawl a baptisma tang pawl zong aum ngei ding ua hisap leh ginta ahi uhi. Tualeh, atung a igen uh innkuon thum baptisma tangte lah leh Pentecost ni-a Peter thugen gingta a baptisma tangte lah ah zong naupangte a pang /tel ngei ding uh chi khu i kingahna uh ahi.

5). Naupang Baptistma thu Thuhun Tha gendan in: I gensa mabang un, i Bible uah Naupang/Nausen Baptisma tanle-tanlou diing thu atuong sih hi. Ahin, Jesu'n zong Naupangte akipahpidan leh angaidan i mu uhi (Mak. 10:14). Juda sahkhua hunlaiin, atate uh Ttep atansah u'leh Juda sahkhua sang a lienaw Khristian sahkhua ah vang Juda mi Khristian hite in atate uh Baptisma atangsah ngeingei diing uhi.

Tualeh, Baptisma khu Pasian thuchiem bang a hundam tanna diing a i ngai

u'leh Naupang Baptisma khu adeihuoi sem diing hi. Baptist Theologian W. Robinson in "Baptisma hi Hattuum a lutna lampi ahi" achi hi. Tuajiehina, naupangte zong Hattuum a lut in mun anei ngei ding uhi. Reformed Church (Siemphat hattuum)- kichite in gingu nu-le-pa leh atate uh Hattuum member a ngai in Baptisma atangsah uhi. Thuhun Tha ah zong gingu innsung a pieng a, a pichin chieng ua baptisma tang imu dieh sih uhi. Naupang khu ang pichin leh deiteel theina ang nei hun ngahlou in, gingu hingal diing a nu-le-pa mawpuohna ahi uhi. Tualeh, Baptisma in "Hattuum mi hina chiemteena leh khiel kisiana etsahna leh Hagau Siengthou a kituitapna etsahna ahileh naupang gingu Baptisma tansah khu sil hoivawt" ahiding hi.

6). Hattuum masate'n Nausen/naupang Baptisma atangsah uhi: Awle, Kumzabi thum (3)-na laivel in innkuon leh Naungeh lai a, Baptisma atansah u'khu Hattuum masate chindan/zahdan ang hita hi. Tualeh, Naupang/nausen Baptisma tungtaang a Hattuum Pa (Church Fathers)-khen khatte thugen en va-ui:

(6.i). Justin Martyr (100 AD)-leh Irenaus (14-200 AD)-te laigel

a kipat in Hattuum masaten zong naupangte Baptisma ana tangsah uh ahidan imu hi. (6.2). Hippalytus (170-236 AD)- in pichingte mabang in naupangte zong Baptisma tansah ahi thu uh agen hi. (6.3). Origen (186-253AD), Augustine (354-430)- te'n zong naupang Baptisma tansah ahi thu ana gen uhi. Hattuum masate'n naupang ana Baptis leng jieuh un, eite'n zong dan a nei in, i Baptist uhi.

Tualeh, naupangte baptistma i tansah chieng un i pawng tansah sih ua, ang pichin ua sie-le-pha ang thei masang ua, anu-le-pa ahiei, a enkoltu penpen in Pasian deibang a, a etkol ding chi a thuchiemna anei zoutah chieng un baptisma tangtu nu-le-pate'n, atate uh Khrist leh Pasian kung ah, pui in a apkhie uh china ahi. Mangpa thununna leh zilsahna a khanglien sah diing in akichiem ua, amau zong akilan ngal uh chi a ensah hi. Tam khu, Nu-le-pate bawl lawm mawng zong ahi. Tuabanah, naupangte khu

ang pichin ua sie-le-pha ang thei chieng un, hattuum in pichingin i lalut ua, tuami nua a khelna abawl u'leh ama uh mawpuoh ahita uhi.

7). Baptisma phattuomnate: Baptisma khu hundamna i tanna diing ua i tan diing uh ahisih a, hundam taten hundamna i tan ziehua i tan ding uh ahi. Pienthana etsahna, namdetna, leh puonzahna chiemtenate ahi uhi. Mangpa Jesu ngel in amite chiemtena (seal)-diing leh Hagau sil poimaw a tanna uh hi diing in ana siem in ana namdet ahi.

8). Thukhum sin: Awle, ken zong naupang baptisma ka tang sah hi. Tuate lah ah, vangsiet umtahn, mi ni in ang muolliem san ua, ashi ni-un a programme uah baptisma katan sah thu a kigel uhi. Tualeh, tangsah lou-in shi le uh anu-le-pate ding un lungsim nop louna anei ding uhi. Nu-le-pate bang a, Pasian gam luo ding leh satan nei ngei ding ihisapna ua itansah uh chi lei zong i chi khiel sih ding

LUNGDM THU GENNA:

PRESBYTERIAN CHURCH OF INDIA, IMPHAL BIEHINN MUN LEINA DING A SUM-LE-PAI TUOHTe

Hun sawtpi a kipat in kou Presbyterian Church of India (Imphal)-te in biehin mun ding lei kana sawnna uah, anuai a mi kiphalte ziehin tu-in 9000 Sq. ft. Langol Area ah, Rs.16,00,00/- (Lakh sawm-le-guh)- man in ka lei ua, Pasian tung leh anuai a mi kiphah tah a, sum hing tuohte tung leh ang deisah teng tung ah kipah thu katun uhi. Church building kang lam zawna ding un koipou in, nathumna uah hing na thei ding in kang ngen uhi. Sum tuoh dante:

1). Upa, LCC leh pasal mi kiphalte tuohdante:

(1). Pu. Ginsuanhau MLA	1,00,000/-
(2). Upa Thangpu	50,000/-
(3). Pu Tilthang	15,000/-
(4). Pa Kaisuanlian	1,00,000/-
(5). Upa. Thangchinmang.....	5,000/-
(6). Pa Khaisuanmung	5,000/-
(7). Pa. Thangmuankhup	10,000/-
(8). Pa. Thangkhanmang.....	10,000/-
(9). Pa.S. Thangkholun	6,000/-
(10). Pa Hangkhansuan	2,000/-
(11). Upa Dongzapau	5,000/-
(12). Pa Lunkholet	2,000/-
(13). Pa. Benjamin	500/-
(14). Upa Kapkhanthang	10,000/-
(15). Pa. Dougin	2,000/-

2). Local Presbyterean Women Fellowshite sum tuoh dan:

1). Nu Chingngainiang	2,000/-
2). Nu Vungngaimang	5,000/-
3). Nu Thianching	20,000/-
4). Nu Nemzavah	5,000/-
5). Nu. Thonghoikim	500/-
6). Nu. Niangngailun	200/-
7). Nu. Mami (Puanlaisan).	
8). Nu Ngaipi (Puanlaisan).	
9). Nu. Ngahboi.....	500/-
10). Nu Haungainiang	500/-
11). Nu. Lamzangai	500/-
12). Nu. Donzahat	1,000/-

13). Nu Nemnei	500 /-
14). Nu. Lamnuam	1,000/-
15). Nu. Manzaning	500/-
16). Nu. Nuamkhanniang	1,000/-
17). Nu. Manmuanching	2,000/-
18). Nu. Titing	1,000/-
19). Nu. Donngaivung	1,000/-

3). Local Presbyterian Youth Fellowshite sumtuoh dan.

1). Tv. Mangkhanthang	500/-
2). Tv. Thonglunlal Kevin	200/-
3). Tv. Hauminlun	200/-
4). Nh. Chingneihat Esther.....	500/-
5). Tv. Zamlianmang	200/-
6).Nh.Chiinlomniang	100/-
7).Nh. Nianghoiching Nauching	200/-
8) Nh.Manhoikim.....	100/-
9).Nh.Niangneiching	100/-
10). Tv. Ginthianlal	100/-
11). Nh. Niangboi Mineo	100/-
12). Tv. Thangmuannlian	500/-
13).Nh. Zangmuankim	100 /-
14). Tv. Tungneikhai	200/-
15). Tv. Khaibiaklian	110/-
16). Nh. Jessy Chingneikim	2,000/-
17). Tv. Khupboi	100/-
18). Tv. Zamkhankhual	200/-
19). Tv. Manneiching	2,000/-
20). Nh. Margy Ngaimuankim	500/-
21). Nh. Nianglohnuaam	300/-
22). Nh. Chingsangvung	500/-
23). Nh. Nianglunching	500 /-
24). Nh. Esther mansuankim	1,000/-
25).Nh. Gracy Chinhoikim	1,000/-
26).Nh Chingkholam	1,000/-
27). Tv. Hauminlian	300/-

Hattuoimte sih-le-tang a kipah thugentute

Sd/-

Sd/-

(Upa. Kapkhanthang)

(Thangmuankhup)

Chairman, Building Committee

Secretary, Building Committee

Presbyterian Church of India, Imphal, MGP, ZPCS

2PWF COLUMN:

September 25, 2020 to November 28, 2020 tan a Tunnu Limbel panpina pete:

1. PWF Tongdam, Anntang	Kg.	41
2. PWF Mualtam, Anntang	Kg.	36
3. PWF Zomi Bethel, Anntang	Kg.	35
4. PWF P.Salem, Rs. 50 & Anntang	Kg.	39
5. PWF Zomi Colony, Rs. 260 & Anntang	Kg.	90
6. PWF Hiangdung, Mai pum-15 leh Anntang	Kg.	55
7. PWF Kuvan : Mai, maipuang leh Anntang	Kg.	50
8. PWF Sugnu, Anntang Half	Bag.	2
9. PWF Saiboh, Anntangtaang	Rs.	3,000
10. PWF T.Zion, Anntangtaang	Rs.	400
11. PWF Moreh Gamnuam Veng, Anntangtaang	Rs.	2,000
12. PWF Tuivai District	Rs.	603
13. Nien en niang, Moreh II (MGP)	Rs.	500
14. Pa Kamkhogin, Central Church	Rs.	300
15. Kamliankhai, Moreh Gamnuam Veng	Rs.	2,000
16. Upa Langkhokam, Moreh Gamnuam Veng	Rs.	1,000
17. Pa H. Kapneithang, Central Church	Rs.	3,000
18. Upa Khamzathang, Tuibuang	Rs.	500
19. Nh. Nianglunching, Zoumunnuam	Rs.	1,000
20. Pausuanmung, Zoumunnuam	Rs.	1,500
21. Donneiching, Central Church	Rs.	500
22. Chinmuankim, Central Church	Rs.	500
23. Nousuanching, Central Church	Rs.	500
24. Rajen, Mangjing	Rs.	200
25. Upa Lianzamang, Kuvan	Rs.	100
26. Vungngailian, Kuvan	Rs.	100
27. S. Lulun, Kuvan	Rs.	100
28. Nu Lamnu, Kuvan	Rs.	100
29. P.Church LDCC Hiangzou	Rs.	690
30. Upa Ginsuan, Tuining	Rs.	320
31. Upa HT Manga, Tuining	Rs.	200
32. Chingboi, Tuining	Rs.	100
33. Pauliankhup, Tuining	Rs.	50
34. Ninghoinuam, Hiangtamjang	Rs.	1,000
35. Dimneiching, Central Church	Rs.	1,000
36. Lunzamung, Central Church	Rs.	1,000
37. Martin & Nuamhoi, Shillong	Rs.	5,300
38. Niangpi w/o Hausuanthang MDC (Sept. & Oct.)	Rs.	3,000
39. Upa P. Doukholun, Tuibuang	Rs.	400

40. Upa Gouzamang, Central Church	Rs. 1,000
41. Douhang, Talnuam Anntang tang	Rs. 1,000
42. Suandeiching, Lailam Veng	Rs. 300
43. Nh. Ruthy Nuamngaiman, Emmanuel	Rs. 1,000
44. Nu Mannianching, Lailam Veng	Rs. 1,000
45. DBYC Lamka South Division EBC	: Dal 1bag & Rice 1bag
46. Prescilla Home, New Lamka College Veng	: Neutrela
47. Upanu Chingzaniang, Zomi Colony	Rs. 50,000

48. *Presbyterian Church of India, Muollum Hattuumte apat:*

1. Upanu Vielvung	Rs. 10	2. Pa Lalbieh	Rs. 10
3. Nu Suonnieng	Rs. 330	4. Nu Vungsuonching	Rs. 30
5. Tv. Suonlienlal	Rs. 180	6. Nu Dimhoiching	Rs. 70
7. Upa Chingenpau	Rs. 30	8. Upa M. Zamthang	Rs. 610
9. Pa Thangkhansuon	Rs. 50	10. Nu Chinghat	Rs. 50
11. Pa Min Zou	Rs. 40	12. Nu Kimneiching	Rs. 50
13. Nu Mankhannieng	Rs. 20	14. Nu Hangsuonnieng	Rs. 130
15. Nu Zouching	Rs. 70	16. Pa Suanpau	Rs. 150
17. Nu Niangngaiching	Rs. 40	18. Hau diamond	Rs. 30
19. Sye Goukhenmung	Rs. 80	20. Sye David Kap	Rs. 100
21. N. Dodong	Rs. 10	22. Nu Vungtum	Rs. 30
23. Nh. K. Lunnu	Rs. 50	24. Nu Nuomkhanngai	Rs. 50
25. Nh. Siemnu	Rs. 10	26. Mangsienching	Rs. 30
27. P.Chiinneihoi	Rs. 120	28. Upa Lunmang	Rs. 1,300
29. Ngaikhannieng	Rs. 40	30. Nuomnu	Rs. 20
31. Ginmuonkap	Rs. 20	32. Vaahcy	Rs. 30
33. Khaiminlun	Rs. 25	34. Niengneilun	Rs. 25
35. Nh. Chingmeng	Rs. 1,000	36. Chingngaimang	Rs. 10
37. Pa Thangkhenkhu	Rs. 10	38. Pa Khammuonlal	Rs. 50
39. Nu Niengsien	Rs. 20	40. Muonchin	Rs. 10
41. Upanu Vunghaulien	Rs. 50	42. Tv. Muonpi	Rs. 10
43. Tv. Mangboi	Rs. 1,200	44. Tv. Hangmuonlien	Rs. 30
45. Tv. George Lien	Rs. 100	46. Nu Nienghau	Rs. 30
47. Niengmuonchin	Rs. 20	48. Upa Chinlam	Rs. 10
49. Nu Niengdei	Rs. 10	50. Pa Kapmeng	Rs. 60
51. Letminlal	Rs. 20	52. Pa Totong	Rs. 30
53. Pa Khaihau	Rs. 50	54. Nu Lampi	Rs. 20
55. Pinel	Rs. 10	56. Tv. Kakap	Rs. 100
57. Nu Nenei	Rs. 70	58. Nu Nienghauching	Rs. 10
59. Nu Niangkaih	Rs. 70	60. Pa Khupneithang	Rs. 20

Petu zousie Mangpa'n hing guolzawl chiet taken.

Adihlou khate Office a Suhdih theizing ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhoichin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieg
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngaiuom
07. Upa Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu (L) Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian		

Undelivered

Please return to:

The Editor

KHRIŒTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
Synod Office Telephone No. (03874) 235105
Website: zousynod.org | email:info@zousynod.org
zpcs@rediffmail.com/zousynod05@gmail.com

7a,